


НАВРЎЗ МУБОРАК БЎЛСИН!

ILM OLMOQQA INTILISH - HAR BIR MUSLIM VA MUSLIMA UCHUN QARZ-U FARZ

ZIYO CHASHMASI



ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI



*** № 4 (183) *** 2010 YIL, АПРЕЛЬ ***

ISSN-2010-9393

1993 YIL, 21 MARTDAN CHIQA BOSHLAGAN

БАҲОР БАЙРАМИ ТАНТАНАЛАРИ

Вилоятимиз аҳли билан биргаликда институтимиз жамоаси умумхалқ байрами — Наврўзни зўр шоду хуррамлик билан нишонлади



Наврўз келди. Табиат уйгонди. Уйғониш, яшариш, боқий байрамимиз — Наврўздан дарак. Неча минг йиллардан буён у инсон қалбига олам-олам қувонч ва шодликлар улашиб келади. Наврўз маънавиятимизнинг узвий қисмига айланиб энг қадимий, асл миллий байрам сифатида азиз ва мўътабардир.

Муҳтарам Юртбошимиз Ислоҳ Каримов Наврўзга бағишланган тантанали маросимда сўзлаган нутқида тарихий қадриятларимизнинг энг бебаҳо дурдоналаридан бўлмиш Наврўз ҳақида шундай дедилар: "Наврўзи оламнинг умуминсоний цивилизация ривожига қўшган буюк ҳиссасини инобатга олиб, Бирлашган Миллатлар Ташкилоти шу йилдан бошлаб бу айёмни Халқаро Наврўз куни деб тан олгани албатта бежиз эмас ва бу барчамизга катта гуруҳ ва ифтихор бағишлайди".

Дарҳақиқат, Наврўзи олам завқи, шуқуҳи бутун оламга ёйилмоқда, янгича мазмун касб этмоқда.

17 март куни вилоятимиз маркази Жиззах шаҳрининг "Мустақиллик" майдонида бошланган тантаналар шаҳримизнинг барча гўшаларида давом этди.

"Ёшлар шаҳарчаси"да байрам шуқуҳи ўзгача бўлди.

Суратларда: 1. Вилоятимиз ҳокими ва фахрийларимиз Наврўз байрами тadbирларида.

2. Талабаларнинг чиқиши.

Т. ТУРДИЕВ фотолари.

ТАЛАБАЛАР ШАНБАЛИГИ

Бу йил ҳам баҳор юртимизга ўзгача файз ва тароват билан кириб келди. Юртимизнинг қайси бир гўшасига борманг, қайси бир маҳаллага, қайси бир хонадонга кирманг баҳорий жўшқинликнинг гувоҳи бўласиз.

Март ойида институтимизда умумхалқ шанбаликлари уюшқоқлик билан ўтди. Ҳашарда профессор-ўқитувчилар ва талабалардан 5434 киши қатнашди. Уларнинг кучи билан 25 гектар майдон тозаланди, 35 тонна маиший ва қурилиш чиқиндилари чиқариб ташланди, 16 километр ариқ ва лотоклар тозаланиб 5200 туп дарахтларга

шакл берилди.

Баркамол авлод йилининг Наврўз байрами арафасида эҳтиёжманд оилаларга мурувват кўрсатилди. Кам таъминланган, ёрдамга муҳтож 22 та оилага 1800000 сўмлик маблағ ажратилди.

Байрам тантаналари институтимизда кўнгилдагидек ўтди. Аммо талаба-ёшларимиз ободончилик ишларини йил бўйи давом эттиришга қарор қилганлар.

Мавлонбек Дониёров, Бошланғич таълим ва спорт тарбиявий иш йўналиши талабаси.

ТАЛАБАГА ХОМИЙЛИК

Умумхалқ шанбаликлари арафасида «Жиззахдонмахсулот» АЖ раиси Акмал Сатторов ташаббуси билан педагогика факультети 2-босқич талабаси Оқила Сатторовага хомийлик ёрдами уюштирилди. Кам таъминланган оила сифатида талаба контракт шартнома тўлови учун 875000 сўм маблағ ўтказилди.

Г. АХМАДОВА, «Зиё чашмаси» мухбири.

ИНСТИТУТ ЖАМОАСИГА БАЙРАМ ДАСТУРХОНИ

23 март куни Институтимиз профессор-ўқитувчилари, ишчи-хизматчилари учун Наврўз умумхалқ байрами муносабати билан зиёфат уюштирилди.

Тadbирни институт ректори, профессор О.Дўсматов очиб, йиғилганларни баҳор байрами — Наврўзи олам билан муборакбод этди. Ишда алоҳида ўрнатилган кўрсатилган профессор-ўқитувчилар, жамоанинг фаол ходимларига институтнинг Фахрий ёрликлари тантанали суратда топширилди. Дастурхонга баҳорий таомлар ва ош сузилди, байрам табриклари ва санъанкорларнинг бадиий чиқишлари томоша қилинди.

Вилоятимизнинг Наврўз байрамида институтимизнинг факультетлари жамоалари "Ёшлар шаҳарчаси"нинг кириш қисмида ўз кўрғазмалари билан иштирок этган эдилар. Ҳакамлар хулосаларига кўра педагогика-психология, мактабгача таълим ва болалар спорти, мусикий таълим, дефектология бўлими биринчи ўринни эгаллади. Иккинчи ўрин тарих ва ўзбек филологияси факультети жамоаларига, учинчи ўрин физика-математика факультети ва касб таълими бўлимига насиб қилди. "Энг фаол жамоа" номинацияси бўйича жисмоний тарбия ва жисмоний маданият факультети талабалари совриндор бўлдилар.

Ғолиблар эълон қилиниб, тантанали суратда эсдалик совғалари топширилди. Ф. ҚУШНАЗАРОВ.

КАСАБА УЮШМАСИ ҲИСОБОТИ

25 март куни институт касоба уюшма ташкилотининг V ҳисобот-сайлов конференцияси бўлиб ўтди. Институт касоба уюшмаси кўмитасининг 2005-2010 йилларда олиб борган фаолияти тўғрисида кўмита раиси в.б. К.Исаев маъруза қилди. Шунингдек тафтиш комиссияси раиси Ш.Дониёровнинг ҳисоботи ҳам тингланди.

Музокараларда институт илмий ишлар проректори вазифасини бажарувчи Ғ.Қодиров, институт хотин-қизлар кенгаши раиси З.Абдувалиева, педагогика факультети "Бошланғич таълим ва уни ўқитиш услубияти" кафедраси доценти Н.Усмонов, ўзбек филологияси факультети касоба уюшма кўмитаси раиси Л.Ибрагимова, физика-математика факультети 3-курс талабаси Ж.Исоқобилов, таълим ва фан ходимлари касоба уюшмаси Жиззах вилояти кенгаши раиси Я.Рус-тамов сўзга чиқдилар.

Касоба уюшмасининг ҳисобот давридаги фаолияти қониқарли деб топилди.

Конференцияда институт касоба уюшма кўмитаси ва тафтиш комиссиясининг янги таркиби сайланди. Жиззах вилояти таълим ва фан ходимлари касоба уюшмаси кенгаши ҳисобот-сайлов конференциясига делегатлар ҳам сайланди. К.И.Исаев институт касоба уюшма кўмитасининг раиси этиб сайланди.

Наврўз - қалблардаги қувонч тошқини

НАВРЎЗ ТАРИХИДАН

Бутун Олд ва Ўрта Осиёда машхур Наврўз байрами ва маросимлари жуда узоқ даврлардан бери нишонланиб келмоқда. Бу байрам асли қадимий деҳқончилик календарини билан боғлиқ бўлиб, Ернинг шимолий ярим шарида баҳорги кеча билан кундуз тенг келган кунлари — 20-21 мартда бошланади. Ўша даврда бутун

табиат уйғона бошлайди, ер бағридаги барча маҳлуқот ва мавжудотларнинг, курт-қумурсқалар, ўсимлик ва ўт-ўланларнинг жонланиши рўй беради. Бундай янгиланиш жараёнининг бошланиши шамсия (Куёш) йили ҳисобида 21 мартга тўғри келган ва биринчи янги кунни Наврўз деб атаганлар.

АБУ РАЙҲОН БЕРУНИЙДАН

Ўрта асрнинг буюк мутафаккири Беруний мазкур йил ҳисобининг бошланиши оғир ҳисобланган фарвардин ойи тўғрисида гапириб бундай деб ёзади: "Наврўз янги йилнинг биринчи кунини бўлиб, унинг форсча номи ҳам шу маънони тақозо этади. Наврўз эронликлар зижлари бўйича ўтмиш замонларда, улар йилларини кабисам қилган вақтларида Куёшнинг саратон буржига кириш пайтига тўғри келар эди. Сўнгра у орқага сурилгач баҳорда келадиган бўлди. Энди у баҳор ёмғирининг биринчи томчисини тўкишидан гуллар очилгунча, дарахтлар гуллашидан мевалари етилгунча, ҳайвонларда шаҳват кўзғалишидан то насл вужудга келгунча ва ўсимлик униб чиқа бошлагунча давом этган вақтда келади. Шунинг

учун Наврўз оламнинг бошланиши ва яратилишига далил қилинган". Берунийнинг таърифича, афсунгарлар Наврўз кунини тонг отганда биров гап гапиришдан олдин уч қошиқ асал ялаб, уч бўлак (хушбўй) мум тутатса, бу кўп касалликларга шифо бўлармиш. Ёки шу куннинг тонгида гап гапиришдан олдин шакар тортиб, ўзига зайтун (ёғи) суртган кишидан йил бўйи турли балолар даф этилади, деган иримлар бўлган. Байрам урф-одатлари ҳақида сўзлаб аллома шундай деб ёзади: "Эронликларда Наврўз кунини бир-бирларига шакар ҳадя қилиш расм бўлган эди. Бағдод мубоди Озорбоднинг ҳикоя қилишича, бунинг сабаби, Наврўз кунини Жамшид мамлакатида шакарқамиш пайдо бўлган...".

МАҲМУД ҚОШҒАРИЙДАН

Маҳмуд Қошғарий ҳам Наврўз тўғрисида ўн икки мучал йил ҳисоби билан боғлаб турли маълумотлар беради. Наврўз байрамида баҳорга бағишланган халқ кўшиқларидан намуналарни келтиради. Ривоят-

лардан бирида Наврўзга бориб тақаладиган мучал ҳисобидан ҳайвонлар номларини тилга олиб шундай деб ёзади: "Турклар бу йилларнинг ҳар қайсисида бирор ҳикмат бор, деб тахминлайдилар".

Одамзод улуглиги — билимдан. У ақл-идроқи туфайли ҳар қандай муаммони ечишга қодирдир. Ақл-идроқи ва билими бор ҳар қандай одам ҳурматга сазовор бўлади. Илм эгалари элда азиз бўлиб, ҳурмат қозонади. Жамиятни бошқариш ўқув ва идрок билан амалга оширилади.

Илм инсон учун ғоятда олий ва муқаддас бир фазилатдир.

Илм деб ҳар бир соҳани билиш учун ўқиш, изланиш ва ёзиш орқали мақсадга эришиш тушунилади. Илм зеҳнимизни, фикримизни қилич каби ўткир қилади. Зероки инсон илм олиш билан юксак шараф ва олий мартабага эришишини англаса таълим олиш ва илм бериш йўлидан боришга, шаръ- одоб билан хулқланишга янада кўпроқ ҳаракат қилади. Шу билан инсоннинг билими ва мартабаси зиёда бўлаверади, қадрини ортади, одамлар ҳам ундан манфаат кўрадилар.

Оллоҳ таоло олимларнинг фазилати, мартабаси ва қадрини ҳақида бундай дейди: "Айтинг, биладиган зотлар билан, билмайдиган зотлар баробар бўлурми? Дарҳақиқат ақл эгаларигина панд-насиҳат олувлар" (Зумар-9)

Илмнинг фазилатларини айниқса талаба-ёшларимиз яхши англаб етишлари лозим.

Талаба доимо мутоала қилиш, шарҳлаш, баҳс-мунозара ва ёзиш билан машғул бўлиши лозим. Қимда илм бўлса ундан фойдаланишга ҳаракат қилиш лозим бўлади. Илмни такрорлаб, мутоала қилиб, саноксиз кечаларни бедор ўтказиш билан мақсадга эришилади.

2010 ЙИЛ — БАРКАМОЛ АВЛОД ЙИЛИ

ИЛМ - ИЙМОН ЧИРОҒИ

Хубайб Ибн Убайд Раҳбий (р.а.) айтадилар: "Илмни ўрганишлар, ёд олинглар ва ундан фойдаланишлар, уни зийнатланиш мақсадида ўрганманлар. Ҳали умрингиз узун бўлса одамлар худди кийим билан безанганидек илм билан безанишларини кўрасиз".

Илм олиш йўлида сабрли бўлиш энг яхши фазилатдир. Деҳқон сабр билан экинни парвариш қилмаса, ҳосилни йиғиб-териб ололмаганидек, талаба ҳам дарс машаққатларига сабр қилмаса, илмни эгаллай олмайди. Илм орзу қилинадиган юксак ғоядир. Ким илм талабида сабрли бўлса, мақсадига етади.

Талаба илм, таҳсил олиш чоғида оладиган лаззат ва роҳат уни сабрга ундайдиган кучли сабаблардан биридир. Имом Мовардий айтадилар: "Илм ҳар бир лаззат ўрнини босувчи, ҳар қандай шаҳватдан беҳожат қилгувчидир, ким илм билан ёлғиз қолса, кимсасизликдан зерикмайди, ким китоблардан тасалли топса, овунчоқсиз қолмайди: Илм каби ҳамсухбат, ҳалимлик (юмшоқлик) каби ёрдамчи йўқдир".

Улуғлар айтишган: Ким таълим олиш қийинчиликларига сабр қилмаса, умри қийинчиликда ўтади, Ким илм машаққатларига сабр қилса, мақсадига эришади.

Инсон илм оламига кириши билан ямшил майсазорни кўради, у ерда яйрайди,

Беруний асарларида, Умар Хайёмнинг "Наврўзнама"сида ва бошқа манбаларда илк баҳор байрамини нишонлаганда ерга сув қуйиш ёки сепиш, совға-саломлар ҳадя қилиш, ағримчоқларда учуш, ширинлик (қандолат) тарқатиш, етти йил ҳосилини белгилаш, таҳорат қилиш ва ёмғир сувига чўмилиш каби урф-одат ва иримлар тўғрисида хабар берилади. Наврўз кунини подшоҳ дастурхонига турлича дондан-бугдой, арпа, тарик, макка, нўхат, ясмик, гуруч, кунжут ёки ловия унидан пиширилган нон қўйилган. Дастурхон ўртасига турли дарахт (тол, зайтун, беҳи, анор ва ҳ.к.)лардан етти новда, етти оқ коса ва оқ дирхам, янги динор ҳам қўйилган. Подшога оқ қанд ва кокос

ёнғоғи билан махсус таом берганлар, у таомни янги соғилган сутга хурмо солиб истеъмол қилган. Ҳозиргача Эронда Наврўз дастурхонига маросимга биноан етти хил (ҳафтсин) "с" ҳарфи билан бошланадиган нарсалар тортилган. Шу билан бирга қатик, сут, курт ва бўялган тухум, мева, ёнғоқ, бодом ва ҳоказолар қўйилади. Шуниси муҳимки, байрамнинг бош маросим таомни сумалакни ҳам илгари пиширганлар. Қадимий даврларда Наврўз арафасидаги етти кун совуқ бўлиб "ожиз кампир" кунлари деб номланган. Ўрта Осиё халқларида, шу жумладан ўзбекларда, янги йил маросим таомидан етти дон унидан гўжа ва сумалак пиширилади.

«ШОХМОЙЛАР» МАРОСИМИ ҲАҚИДА

Деҳқончилик касбига оид энг муҳим маросимлардан бири далага кўш чиқариш билан боғлиқ "шоҳмойлар" маросими алоҳида қувонч ва тантана билан нишонланади. Одатда далага кўш чиқариш кунини қишлоқдаги тажрибали деҳқон (оқсоқол) белгилаб берган. Шоҳмойлар маросими душанба, чоршанба ва жума кунларидан бирига тўғри келиши лозим бўлган, чунки бу кунлар деҳқонлар тасавурида бахт, омад келтириладиган кунлар ҳисобланган. Асосан кўш чиқариш Наврўз кунлари бошланган, аммо ерлар пишиб етишса, об-ҳавога қараб Наврўзга қадар ҳам ўтказилган.

Шоҳмойлар тантаналарига тўқ-фаровон жойларда қишлоқнинг барча аҳли тайёргарлик кўрган: ҳар бир хонадон турли таомлар пиширган, нону қатлама, патирилар ёпилган, бўғирсоқ ва пўссиклар пиширилган. Маросим ўтказиладиган жой супирилиб-сидирилиб, шолча, кигизу гиламлар тўшалиб, дастурхонлар ёйилган, унга тайёрланган таомлар тортилган. Қишлоқ аҳли тўпланган оқсоқол яхши тилаклар билан дуо-фотиҳа қилиб, яширилган нарсалар аҳоли орасида тарқатил-

ган. Шундан сўнг кўш чиқариш учун махсус боқилиб турган ҳўкизлардан бири олиб чиқилган ва ўтган йилги ҳосилнинг охириги тутамидан тайёрланган кулча қишлоқнинг барча мўътабар қариялари ва бошқа иштирокчиларига бир парчадан синдириб берилади. Кулчанинг бир бўлаги танлаб олинган ҳўкизга ҳам берилади. Ниҳоят, кўз тегмасин деб ҳўкизларнинг шохига зиғир ёғи суртилади, инс-жинслардан ва ёвуз руҳлардан пок бўлсин деб исирик тутатилади.

Дастлабки кўшни қишлоқнинг энг хурматли, серфарзанд ва кўп неварачеварали мўйсафидларидан бири солади. Оқсоқол кўш билан кучи етгунча ё бир марта, ё уч, ё беш марта, умуман тоқ марта ҳайдайди, кейин ўтган йилги ҳосилнинг охириги тутамидан олинган бугдойдан иримига ҳайдалган ерга бир неча ҳовуч сепади. Мазкур маросимдан сўнг барча деҳқонлар ҳўкизларини етаклаб уйга қайтганлар ва оилавий доирада байрам хурсандчилигини уйда давом қилганлар. Бой хонадонлар кўш чиқариш арафасида зиёфатлар беришиб деҳқон рисоласини ва бошқа китобларни ўқишган.

ёшлар илм ўрганиш учун кенг имкониятлар яратганининг нишонасидир. Илм олиш, изланиш барчамизни она Ватанимизни севишга, уни ардоқлашга ва чуқур мулоҳаза қилишга чақиради. 2010-йил Президентимиз И. А. Каримов томонидан "Баркамол авлод йили" деб эълон қилиниши биз талаба ёшлар руҳини янада кўтарди. Биз Юртбошимизнинг бундай одилона, доно кўрсатмаларини қўллаб-қувватлаган ҳолда, ўзимизнинг аъло ўқишимиз, изланишимиз, ютуқларга эришишимиз билан қудратли Ватанимизга хизмат қилишимиз зарур.

Ҳар бир инсон учун ўз ота-онаси, устозлари, халқи, кадрдон юртининг раҳбари комиллик тимсоли ҳисобланади. Шунинг учун бизнинг ҳар биримиз ўз ота-онамизни, устозларимизни, халқимизни мана шу халқимиз сайлаган Президентимизни дунёдаги энг азиз ва баркамол инсонлар деб биламиз, улар билан фахрланамиз.

Биз келажаги буюк давлат, эркин фуқаролик жамияти барпо этар эканмиз, бундай жамиятнинг ўсиб келаётган ёшлари ҳар томонлама билимдон, комил инсонлар бўлмоғи зарурдир. Баркамол авлодлар яшайдиган мамлакатгина тинчлик-тотувлик, ҳамжиҳатлик, адолатпарварлик асосида яшайди.

Илм олиш, изланиш, ўқиш ҳар биримизни комиллик сари етаклайди.

Нафиса МАМАТКУЛОВА,
Биология ва ҳаётий фаолият
хавфсизлиги йўналиши
талабаси.

2010 ЙИЛ — БАРКАМОЛ АВЛОД ЙИЛИ

ЎЗ КУЧИНГГА ИШОН

Ҳозирги замон бу — шафқатсиз рақобат дегани. Фақат ҳақиқий, профессионал кишигина рақобатга бардош бера олади. Ҳар бир киши ўз соҳасида юқори марраларга эришишни хоҳлаши табиий. Ҳоҳишнинг ўзи ҳам узоқ ва салмоқли йўл сари қўйилган биринчи қадам ҳисобланади. Сизга ўз соҳангизда муваффақиятга эришишингиз учун нималар ҳалал беришини бир ўйлаб кўринг.

Муваффақиятга эришиш учун ҳалақит берадиган вазиятлар.

1. Ўз кучига ишонмаслик.
2. Биринчи муваффақиятсизликдан оқ умидсизликка тушиб, қўли ишга борма қилиш.
3. Атрофдагиларнинг таъсирига тушиб қолиш.

Бирор соҳа бўйича юқори чўққиларни

эгалламоқчи бўлсангиз, танлаган соҳангизга доир адабиётларни кўпроқ ўқишингиз керак. Албатта, муваффақият ва сиз кутган омад бирданига келмайди унинг учун сизда энг муҳими билим ва сабр-тоқат бўлиши керак. Борди-ю сиз ҳаммасини ўз вақтида бажарсангиз ва унинг натижаси бўлавермас ҳеч қачон умидсизликка тушиб, ундан воз кечманг. Билинги ишончсизлик, умидсизлик ва сабрсизлик сизнинг энг катта душманингиздир. Сиз ўз орзуингиз сари илк қадамни қўйдингиз, бунда албатта, одамлар билан муносабатда табассум қилишни ҳам унутманг. Интилганга толе ёр, албатта.

Ботир САФАРОВ,
Педагогика-психология йўналиши талабаси.

ТАЛАБА ҚИЗЛАР ВА СПОРТ

Келажак — ёшлар қўлида. Муҳтарам Президентимизнинг бу сўзлари бежиз эмас. Албатта, ҳар бир давлат келажаги ўз ёшлари қўлидадир. Хўш шундай экан, биз ёшлар бундай масъулиятни қалбан ҳис эта олаемизми? Юртбошимиз ишончини оқлаб, юртимиз ривожига ҳисса қўшиб, унга муносиб фарзанд, етуқ ва баркамол шахс бўлишимиз учун нималар қилишимиз керак?

Энг аввало ҳар биримиз ҳар соҳада илғорлик кўрсатиб, юртимизни дунёга танитишда, ўз ҳиссамизни қўшайлик. Шу жумладан ҳурматли Юртбошимизнинг яна бир фикрлари — “Ҳеч нарса давлатни дунёга спортчилик тез танита олмади” деганлари айна ҳақиқат. Шундай экан, ёшлар бўш вақтларини бекор ўтказмасдан турли спорт турлари билан шуғулланиши зарур.

Айниқса хотин-қизлар ўртасида спортни кенгроқ тарғиб этиб, уларни спорт билан шуғулланишлари баркамол авлод тарбиясининг асосий омили саналади.

Тўғри, уларнинг ҳар бири чемпион бўлиб дунёга танилмас, лекин соғлом турмуш тарзини ташкил этиш учун спорт билан шуғулланишлари шарт. Нимага айнан хотин қизлар деган савол туғулиши мумкин. Чунки улар бўлажак оналардир. Соғлом онадан соғлом фарзандлар дунёга келади. Зеро фарзандлари соғлом юрт — қудратли бўлур.

Маълумотларга кўра юртимиз аҳолисининг 64 фоизини 30 ёшгача бўлган ёшлар ташкил этиб, уларнинг кўп қисми хотин-қизлардан

иборат. Ушбу ёшдагиларнинг кўпчилиги турли олий ўқув юртиларида таҳсил оладиган талаба қизлар саналади. Ана шу талаба қизларнинг 3 мингдан ортиги институтимизда таҳсил олади.


Афсуски, институтимиз талаба қизларининг спорт кўрсаткичлари юқори эмаслиги ҳеч кимга сир эмас. Уларнинг кўп қисми спорт турлари билан шуғулланмайдилар. Хўш бунга сабаб нима? Бу борада институт талаба қизлари билан ўтказилган сўровларга кўра кўпчилик спорт билан шуғулланиш шарт эмас ёки бунинг учун шароит йўқ деган турли фикрларни билдирадилар.

Аслида шароит йўқ дейиш мутлақо нотўғри. Чунки талабаларни спорт билан шуғулланишлари учун институтимизда деярли барча шароитлар мавжуд. Масалан, замонавий жиҳозлар билан таъминланган 2 та спорт зали, кенг стадион ва йўлақлар, ёзги очик бассейни мавжуд. Буларнинг ҳаммаси талабалар ихтиёрида.

Шунингдек, институтимизда спорт турлари бўйича етакчи, тажрибали мураббийлар фаолият кўрсатади. Шундай экан, талаба қизларни биз учун яратилган шароитдан унумли фойдаланиб оммавий равишда жисмоний тарбия ва спорт билан шуғулланишга чорлайман.

Зарнигор СУЯРОВА,
Жисмоний тарбия ва жисмоний маданият факультети талабаси.

БОЙЧЕЧАК - БАҲОРНИНГ ЭЛЧИСИ



Серкүёш юртимизнинг бу йилги баҳори ҳам илиқ кунлар ила секин мўралаб кириб келмоқда. Оллоҳ таолонинг каромати ила шундай бўжизакор фасл бизнинг ўлкамизда бошқача кечади. Баҳор келиши билан ён-атроф яшилликка бурканиб, аста-секин чиройли гуллар очилмоқда. Дарахтлар гуллаб кўзни қувонтиради.

Баҳорнинг биринчи даракчилари сифатида март ойининг бошларидаёқ, бойчечаклар униб чиқади. Булар бўйи 10-15 см келадиган, ингичка пояли ва ингичка баргли, тубида пиёзчаси бор кўп йиллик ўтлардир. Гулларнинг ранги сариқ ёки оч сариқ бўлади. Ўзбекистонда бойчечак туркумига 30 тур кирди.

Бойчечаклар асосан адирларда ва тоғ этакларида бўз тупроқда ўсади. Айтишларича бойчечакнинг ҳосияти катта экан. Бойчечакни биринчи марта кўриб уни қўлга олган момоларимиз, боболаримиз “омонлик, омонлик, ҳеч кўрмайлик ёмонлик, янаги шу кунларга эсон-омон етайлик” деб ният қиладилар.

Бундан ташқари бойчечак шифобахшлиги билан ҳам ажралиб туради. Бойчечак гулини олиб, уни идишга қайнаган сувда димлаб, ичилса, ички органларни зарарли моддалардан тозалар экан. Ҳаммага маълумки, баҳор келиши билан аёлларимиз, қизларимиз ўзгача гўзаллашади. Гўзал аёлларимизга керакли маслаҳатимиз, бойчечак гулидан тайёрланган ниқоблар юз терисини озиклантириб, ундаги ажинларни йўқотар экан.

Бойчечак баҳорнинг биринчи элчиларидан ҳисобланганлиги туфайли у жуда қадрланади. Бу гул ҳақида қадимдан ҳар хил лапар, қўшиқлар тўқилган.

**Майсаларга инимсан дегин,
Бойчечакка гулимсан дегин,
Такор-такор бахтинг тилайвер,
Баҳор берар кутган бахтни.**

Баҳор қалбларимизга чексиз қувонч, эзгуликлар олиб келсин. Оллоҳнинг каромати билан яратилган бу гуллар ҳаётимизга қувонч олиб келсин.

Алишер САФАРОВ,
биология ва ҳаётий фаолият хавфсизлиги йўналиши талабаси.

ХАЛҚ МАҚОЛЛАРИ — МАЪНАВИЙ ХАЗИНА

БАРС ЙИЛИ — БОЙЛИК...

Бу — мучал йиллари билан боғлиқ бўлган мақоллардан бири. “Барс йилида боринг соч, ҳеч бўлмаса тариқ соч”, “Сигир йили — тўқлик, қўй йили — йўқлик”, “Ит йилида молинг ўсар”, “Сичқон йили — тўқчилик, қуён йили — йўқчилик”, “Қуён йилида ют бўлади” ва шу каби мақоллар ҳам мучал йилларининг яхши ё ёмон хусусиятларини ифода этади. Бу ўринда шуни айтиш керакки, мучал ҳисоби милоддан аввалги VI асрдан маълумдир... Ёзма манбаларнинг гувоҳлик беришича, мучал ҳисоби дастлаб Юнон — Бақтрия подшолиги давридаги халқлар томонидан яратилган, кейинчалик бу удум Муғулистон, Хитой, Япония, Ҳиндистон, Миср, Ирок, Эрон, Афғонистон ва Ўрта Осиёга тарқалган. Кишилар туғилиш, ўлиш, буюк воқеалар ва бошқаларни ўн икки ҳайвоннинг номи билан атаб, ҳар ўн икки йилда янгидан такрорланган йил ҳисобини юритиш системаси — мучал асосида “йил ағдариб” ҳисоблаганлар. Янги мучал йили ҳар йилнинг 22 март кунидан бошланади. Мучал йилларининг ҳар қайсиси тўғрисида турли халқлар турлича тасаввурга эга эдилар. Бир халқнинг у ёки бу йил тўғрисидаги тасаввури бир-бирига мос ҳам келарди ва аксинча, бутунлай қарама-қарши ҳам бўларди. Кишилар муайян йилни кутли ё

қутсиз келади, деб ҳисобладилар. Бунда улар асосан об-ҳаво шароитларининг қўлай ё ноқўлай келишини, у ёки бу йил кишиларга бахт ё бахтсизлик келтиришини назарда тутардилар.

Бу хусусда Маҳмуд Қошғарий ўзининг машҳур “Девону луғотит турк” асарида шундай ёзади: “Турклар бу йилларнинг ҳар қайсисида бир ҳикмат бор деб тахминлайдилар: масалан, уларча сигир йили бўлса уруш кўп бўлади, чунки сигир бир-бири билан сузишадиган ҳайвон, Товуқ кирса, озик-овқат кўпаяди, лекин одамларда ташвиш ортади. Чунки товукнинг овқати дон бўлиб, уни топиб ейиш учун нарсаларни титиб юради. Тимсоҳ йили кирса, ёгин-гарчилик ва ҳосил кўп бўлади, чунки у сувда яшайди. Тўнғиз йили кирса, совуқ, қор ва фитна кўп бўлади. Шунга ўхшаш, ҳар йилга бирор тахмин юритадилар”.

Турли халқларнинг, жумладан ўзбек халқининг мучал йиллари тўғрисидаги тасаввурлари юқоридаги сингари мақолларда ўз аксини топган.

МИРЗО УЛУҒБЕК ТУҒИЛГАН КУНГА 616 ЙИЛ ТЎЛДИ

ЮЛДУЗЛАР ҲУКМДОРИ



Улуғбекга пойтахти Самарқанд бўлган Мовароуннаҳрга ҳукмдорлик қилиш насиб этди. Илм фидоиси бўлган Улуғбек ҳукмдорлик даврида илм аҳллари ўз атрофига йиғиб, кўпроқ маданий ва илмий муассасалар қуриш билан шуғулланди. Бухорода, Фиждудонда, Самарқандда катта-катта мадрасалар қурдириб илм-фаннинг ривожланишига ўз даврида жуда катта ҳисса қўшди.

1424-1428 йилларда Самарқанднинг шимоли тарафдаги Обираҳмат ариғининг бўйида Қуҳак тепалигида ўз даврида энг такомиллашган асбоблари билан жиҳозланган расадхона қурилишида бош қоз бўлди. Бу расадхона фаолиятига кейинчалик ўзи раҳбарлик қилди.

Самарқанд расадхонасида эришилган илмий тадқиқотларнинг энг йириги, ҳозирча ўз илмий қийматини йўқотмаган юлдузлар ва сайёралар ҳаракати бағишланган. Бу асарда 1019 та юлдузнинг вазияти аниқ кўрсатиб берилган. Ана шу жадваллар ҳозирги замон астрономик асбоблари ёрдамида текширишда ҳам деярли фарқ бўлмаганлигини кўрсатади.

Улуғбек давлат арбоби ва саркарда бўлса ҳам, у энг аввало олим ва фозил киши эди. У ўзининг математика, астрономия, тарих фанлари соҳасида қилган оламшумул кашфиётлари билан фан хазинасини бебаҳо гавҳарлар билан тўлдирди.

РОҒУН ГЭСИ АКЦИЯЛАРИ СОТУВДА

«Миллат ифтихори ва қудрати рамзи...»

Роғун ГЭСи акцияларининг савдосига доир тарғибот Тожикистондагина эмас, балки минтақада ҳам авваллари мисли кўрилмаган бир амалдир. Тожикистон ҳукумати бугун иншоот акцияларини сотишни бошлаган. Қиймати 100, 500, 1000 ва 5000 сомонийга тенг бўлган акцияларни фақат Тожикистон фуқаролари сотиб олишлари мумкин.

Президент Имомали Раҳмон миллатга қилган мурожаатида Роғун ГЭСини дастлаш лозимлигини таъкидлаб «Бу иншоот электр энергия манбаигина эмас, балки мамлакат фаҳри ҳамда қудратини намойиш этади» деб айтган.

Тожикистон ҳукуматидагилар акцияларни сотиб олиш ихтиёрий эканлигини уқтиришса ҳам, айрим кузатувчилар шўрочасига «режабозлик» бошланиб кетиши ва маҳаллий мулозимлар ўз минтақаларида «ҳисса ўлпонлари» жорий этишидан хавотирда эканини билдиришмоқда.

Президентнинг сўзларига кўра, Роғун иншоотининг биринчи қисми қурилиши учун 700 миллион АҚШ доллари керак бўлади.

Имомали Раҳмон жанобларининг ишонишича, агар камбағал оилалардан ташқари, мамлакатдаги барча ўрта хол ва яхши умргузаронлик қилаётган оилалар акциялар сотиб олиш учун етти юз миллион доллар атрофида маблағ сарф қилса кўзланган мақсадга эришиш мумкин.

Тожикистонда бугун ўртача иш ҳақи етмиш доллар атрофида, аммо шунча ойлик берадиган корхоналар бармоқ билан санарли... Халқро ташкилотлар берган маълумотларга қараганда, мамлакатнинг қарийб ярим аҳолиси қашшоқлик даражасидан ҳам пастрок даражада ҳаёт кечиради.

Тожикистон сўнги беш-олти йил ичида деярли ҳар қиш йирик энергетик инкироз билан юзма-юз келади. Корхоналар ишдан тўхтади. Электр энергиясига кескин чекловлар ўрнатилади. Айрим

минтақаларда қиш бўйи электр энергияси таъминотида узилиш бўлади. Қиш қаҳратонида газ ва электр энергияси учун Ўзбекистонга том маънода қарам ҳолатида қолиб келаётган Тожикистон сўнги бир неча йил ичида жон-жаҳди билан энергия мустақиллигига эришиш учун ҳаракат қилмоқда.

Яқинда Тожикистоннинг шимоли ва жанубини бир-бирига боғлаган ягона энергетика тармоғи ишга туширилганди. Ўзбекистон Марказий Осиёнинг Ягона Энергетика тизимидан чиқишини эълон қилар экан, Тожикистонда энергия инкирози яна ҳам чуқурлашиши борасида хавотирлар урчиди. Айни тизим Ўзбекистон жануби-Сурхондарё вилоятини Тожикистон электр энергияси билан, Тожикистон шимоли Сўғд вилоятини Ўзбекистон электр қуввати билан таъминлаш имконини берувчи тизимдир.

Марказий Осиёнинг бошқа давлатларида бўлгани каби Тожикистонда ҳам порахўрлик чуқур илдиқ отган. Роғун ГЭСи акцияларининг савдога чиқарилиши билан «чироқлар ўчмайдиган бўлишига», ҳукумат тарғиботига қарамай, кўплаб тожикистонликлар катта умид ҳам қилишмайдилар. Ўзбекистон эса ушбу ГЭСнинг қурилиши Марказий Осиёда сув тақчиллигини юзага келтириши мумкинлигини даъво қилади.

(«Интернет» хабарларидан).

ТАЛАБАЛАР МУШОИРАСИ

ЎЗЛИК

Буй чўзибди самога қадар,
Юксалиб - юксалиб фаввора.
Ўсмоқликка имкон етмаса,
Томчи-томчи йиглаб оввора.
Қизик,
Самога етмоқлик нимага даркор?
Тўлқин бўлиб учмоқлик эмасми шойист?
Ирмоқ бўлиб оққин,
Дарё бўлиб кез,
Уммон бўлиб яша осойиш.

Ер меҳр-ла бағрига олса,
Қайнаб юрсанг эрка ҳаётда
Меҳнатдан қалб завқларга тўлса,
Ўтган шавқли умр барчаси ёдда.

Ўйнаб-кулиб оқмоқлик чин бахтку!
Яна нима керак сенга-фаввора?
Қалбимга сен мудом солиб хавотир,
Ўзингни йиғлатиб қилма оввора?

Сабоҳат ЙЎЛДОШЕВА,
Ўзбек тили ва адабиёти йўналиши талабаси.

ЗАМОНАМИЗНИНГ "БАЪЗИ" ҚИЗЛАРИГА

Билмам қайси замон қизларидир бу,
Ўзлари бир жаҳон-у сўзлари осмон.
Кўрган ёш ҳам қари айтади: "зўр-ку!",
Дейишар: қай томон кетмоқда замон?
Каттага ҳурмат-у кичикка иззат,
Қани энди, улар бўлдимиз эртақ.
Ота-она, устозга бўлган муҳаббат,
Ёки ҳеч бўлмаса шунчаки ҳурмат.
Ўзгача жилода акс этиб ифбат,
Сиздаги ҳаёдан қолмабди андақ.
Бўлибсиз махлиё кўп ўзингизга,
Лекин қарамабсиз бир атрофингизга.
Бор эди-ку ҳаё ўзбек руҳида,
Ота-она олдида, устоз олдида.
Калта юбка ёки ярим тор кўйлак,
Сизга мос турибди назарингизда.
Балки қоронғудир сизга ҳижолат,
Уят бўлиб қолгандир шунчаки ҳолат.
Ўйин-кулгу, базм, кейин маишат,
Сизга шудир ҳаётда маъно моҳият.
Инсонда қачонки йўқолса мақсад,
Ўзини ҳар кўйга солар шу тақлид.
Аммо агар бўлса инсоф диёнат,
Унглаб олар бўлмай ҳаётда сарқит.
Фақат биттагина маслаҳат сизга,
Олиш ва олмаслик виждонингизга.
Кимман ва нима эди менинг мақсадим-
Дей савол беринг бир ўзингизга.

Барно ЖУМАЕВА,
Инглиз тили ва адабиёти йўналиши талабаси.

БЕШ КУНЛИК ДУНЁ

Фанимат дунёда бойлик талашма,
Йиқилишинг билсанг, асло курашма,
Умр саҳросида изсиз адашма,
Инсондан қолади беш кунлик дунё.

Кун санаб ўтказиб йиғасан бойлик,
Кўринмас бу дунё усиз чиройлик,
Охирадда ярамас, бор шунча бойлик,
Барибир қолади беш кунлик дунё.

Кўшинингла талашиб бир қарич ерни,
Очасан ул ҳақда эшитган сирни,
Охири беради, тенг қилиб гўрни,
Ортингдан қолади беш кунлик дунё.

Ўзбекда ҳар доим "фарзандим" дейди,
Унинг келажагини гамини ейди,
Вақт келиб фарзандинг «фарзандим» дейди,
Сендан ҳам қолади беш кунлик дунё.

Бу кенг дунё, кўзингга тордир,
Унда кўлаб душманинг бордир,
Эй нодон! Сен дўстлар ҳам орттир,
Яхши излар қолсин беш кунлик дунё.

Аслида бу дунё дейди тарози,
Оғир енгиллига худойим қози,
Мен сендан, сен мендан бўлайлик рози,
Ҳаммамиздан қолади беш кунлик дунё.

Малоҳат ЛАПАСОВА,
Ўзбек тили ва адабиёти йўналиши талабаси.

ТАЛАБАЛАР УЧУН ҚИЗИҚАРЛИ МАЪЛУМОТЛАР

— Тарихдаги энг ёш талаба деб Уильям Томсон (1824-1907) эътироф этилади. Лорд Келвин сифатида танилган ушбу инглиз физик олими 1834 йилда Шотландиядаги Глазго университетига қабул қилинганда 10 ёшга тўлганди.

— Социологларнинг таъкидлашича олий ўқув юртлири битирувчилари ҳар йили 5 фоиз билимларини, 15 йилдан сўнг 75 фоиз билимларини йўқотар экан.

— Лоҳау шаҳрида таваллуд топган Карл Витте 1814 йил 13 апрелда Германиядаги Гессон университетининг фалсафа фанлари доктори даражасига кўтарилганида ўн иккига кирганди.

— Энг ёш университет профессори Колин Маклорин (1698-1746) бўлган. У 1717 йил 30 сентябр куни Абердин илмгоҳининг математика профессори этиб сайланганида 19 ёшга кирганди.

— Улуғ инглиз олими Исаак Ньютон Кембридж университетининг профессори этиб тайинланганида 26 ёшли йигит эди.

— Дунёга машҳур Кембридж университетиде математикадан паст балл тўплаган талабага ёғоч қошиқ берилар экан.

— Математик олим ва жамоат арбоби, Ўзбекистон Фанлар Академиясининг академиги, Ўзбекистонда хизмат кўрсатган фан арбоби, физика-математика фанлари доктори, профессор Саримсоқов Тошмуҳаммад Алиевич (1915-1995) Ўзбекистон фанлар Академияси вице-президенти этиб тайинланганида 28 ёшда эди.

— Буюк Британиялик Дэвис Рис Дейвис (1835-1928) муаллимлик касбини малака оширувчи талаба сифатида бошлаб, мактаб директори даражасига кўтарилган. У 76 йил давомида ўқитувчилик қилган дунёдаги ягона шахсдир.

— Бундан минг йил муқаддам одамзод тарихидаги илк академияларидан бўлмиш Маъмун академияси Хоразм заминиде ташкил топган.

— Мароқаш давлатининг Ферс шаҳрида жойлашган Караун университетига 859 йилда асос солинган. Бў ҳозир мавжуд бўлган илмгоҳларнинг энг қадимийси.

— Мажбурий ўрта таълим илк маротаба 1819 йилда Пруссияда жорий қилинган.

Тўпловчи: Фарида ТОШПҮЛАНОВА.

РАНГТАСВИР ФИДОЙЛАРИ

Ўзбекистон халқ рассоми Чингиз Аҳмаров таваллудининг 98 йиллигига

Юнус Ражабий номли Жиззах мусикали драма театрига борганингизда театр фоеси деворларига чизилган гўзал санъат асарларини томоша қиласиз-у, спектакл бошлангач ичкарига ошиқасиз. Суратлар эсингиздан чиқади. Бир ўйлаб кўринг, бу суратлар ким томонидан ишланган, нима учун бу фоега кўйилган?

Ҳа, тоддингиз! Бу санъатшунос олим, профессор, серқирра ижодкор ва маҳобатли рангтасвир устаси Чингиз Аҳмаров ижодиға мансуб асарлар намунаси, яъни А.Навоийнинг "Саъбаи Сайёр" достониға ишланган "Етти гўзал" сурати.

Бу суратлар нусхаси театр биносига ўзгача гўзаллик, ўзгача шуқуҳ бағишлаб турибди. Суратлар етти гўзал орқали миллийлиги, кўзларидаги шарқона ибод, маъсумлик ва ўзбек аёлларига хос бўлган латофатнинг намунаси сифатида намоён бўлган. Миллий либос, тақинчоқ, тилла-қошу-мунчоқлар ҳар бир суратнинг, суратдаги гўзалнинг ўзига ишлангандек гўё. Театр ҳар бир халқнинг урф-одатлари, миллийлигининг ёрқин намунаси бўлган тарбия ўчоғи. Рассом асари бу жиҳати билан бу жойға айнан мос тушгандек.

Чингиз Аҳмаров ижодида бундай асарлар жуда кўп. Тошкентдаги А.Навоий номли академик театр фоеси деворларига, А.Навоий номидаги Адабиёт музейи залларига, Тошкентдаги Абу Райхон Беруний номли Шарқшунослик институти фойесига ишланган деворий суратлар буюк қалб соҳиби Ўзбекистон Халқ рассоми Чингиз Аҳмаров қаламиға мансуб асарлардир.

Рассом асарларида кўпроқ Шарқ шеърлятида куйланган гўзаллар тимсоли гавдаланади. Бу асарлар миллийлигимизни ёрқин рангларда бетакрор ва гўзал ифодада, кўз олдингизда илоҳий гўзаллик намоён этади. Бу гўзалликлардан баҳраманд бўламан десангиз, Чингиз Аҳмаров асарларида унинг ижоди билан танишинг.

Булар биз ёш авлодга олтин мерос. Чингиз Аҳмаров номи санъатимиз тарихида алоҳида ҳурмат билан ўчмас ўрин қолдирган.

Феруз ОЧИЛОВ,
Эльмира ОЧИЛОВА,
Тасвирий санъат ва муҳандислик графикаси йўналиши талабалари.

БЎЛАЖАК ЎҚИТУВЧИЛАР УЧУН

ЎЛЧОВЛАР ҲАҚИДА НИМАЛАРНИ БИЛАСИЗ?

КАДАМ, ОДИМ сўзлари асосий узунлик ўлчовларидан бўлиб, улардан қадам араб тилига, одим эса туркий тилларга хос. Одатда, бир қадам аршинга, 12000 қадам бўлса бир тош (бир фарсанг)га тенг деб ҳисобланган. Туркий тиллардан ташқари, қадам (қадам, гадам) сўзи Миср, Судан, Туркия, Афғонистон каби мамлакатларда кенг тарқалган. Шуниси қизиқки, келиб чиқиш жиҳатдан рус тилидаги "шаг" (қадам) сўзига алоқадор "сажень"

1 паҳса - 60 см га тенг. **АРШИН** сўзи форс тилидаги "араш", "орон" сўзларидан келиб чиққан бўлиб туркий тиллардан рус тилига ўтган.

Ўлчовларни бил, буюқимдир.

(Бобир).
Фан ўлчовлардан бошланган. Аниқ фанларни ўлчовларсиз тасаввур этиш мумкин эмас. Табиатда ўлчов ва миқдорлар билишнинг асосий қуролидир. (Д.И.Менделеев).

(213 см га баравар узунлик ўлчови) сўзи тилимизда саржин тарзида ўзлашган бўлиб, узунлик ўлчовидан ташқари ҳажмини (масалан, ер сатҳини, арралаб ёрилган ўтин ҳажмини) ҳам билдиради. Баъзи бир шарқ мамлакатларида ишлатилган ўлчовларни қийматлари куйидагича олингандир. Масалан:

- 1 марҳала 25 - 30 км.
- 1 сатҳ - майдон ўлчови 10мX10м=кв м.
- 1 қарич - бош бармоқ билан жимжилоннинг бармоқ ёйилмасига тенг (19 - 20 см).
- 1 энлик - бир бармоқ энига тенг (18 - 20мм) ёки 1 энлик - 6 дона арпа донасининг бўйламасига тенг.
- 1 фарсах (фарсанг) масофа ўлчови 6 км га тенг.
- 1 йиғоч узунлик ўлчови 5985 м, баъзи жойларда 8 - 9 км га тенг.
- 1 исбот (бармоқ) 2 - 2,5 см га тенг.
- 1 тутам (Ўрта Осиёда) 9см: арқон ёки таёқни ушлаган қўл тўртта бармоғининг кенлигига мос тарзда танланган узунлик бирлиги.
- 1 чақирим - 1006 м га тенг.
- 1 газ - 0,71 м га тенг узунлик ўлчови бирлиги.

Аршин турли шаклларда украин, беларус, поляк, чех, балгар, серб - хорват тилларида ҳам учрайди, 1 аршин - бир қадамга тенг.

ГАЗ "Эни олти, бўйи (чуқурлиги) беш газдан ўн беш газгача қазиладиган ариқнинг узунлиги ўттиз чақирим эди" (А. Қодиррий). Бу мисолда газ сўзи-

ни ёзувчи тахминан 88см га баравар узунлик ўлчови сифатида ишлатган. Кўкрак ўртасидан бармоқ учигача бўлган оралик бир газ ҳисобланган. Бу ўлчов бирлиги Ўзбекистоннинг ўзида ҳар қайси шаҳар ёки қишлоқда турлича узунликда ишлатилган. Газ Ўрта Осиё, Кавказ, Қозоғистон ҳамда Афғанистон, Эрон, Покистон, Ҳиндистон каби мамлакатларда тарқалган.

ТАНОБ. Экин майдонларини ўлчашда қўлланиладиган юза ўлчов бирлиги. Ўрта Осиёда кенг қўлланилган томонларнинг узунлиги 60 газдан иборат бўлган кв нинг юзи (60 газ). 1 таноб (Хоразм) = 4037 - 4097 кв м. 1 таноб (Бухоро, Самарқанд, Сурхондарё) = 2731 - 2814 кв м. 1 таноб (Фарғона, Тошкент, Чимкент) = 182 кв м ёки айрим жойларда танобнинг ўлчамлиги 400 - 900 кв м қилиб олинган. "Таноб" сўзи ер сатҳи ўлчовидан ташқари, узунлик ўлчовини ҳам билдирган. Бундай бўлиши табиий, чунки араб, форс тиллардаги "таноб" сўзининг замирида "арқон" маъноси ётади.

К.ТўРАЕВ,
Педагогика кафедраси доценти.
(боши ўтган сонда).

ПРОФЕССОР-ЎҚИТУВЧИЛАР, АСПИРАНТЛАР, МАГИСТРЛАР, ИЛМИЙ ТАДҚИҚОТЧИЛАР ВА БАКАЛАВРЛАР ДИҚҚАТИГА

Жиззах Давлат педагогика институти муассислигида «Жиззах Давлат педагогика институти ахборотномаси» номи илмий, илмий-услубий журнал чоп этилиши муносабати билан мақолаларингизни тахририятга топширингиз сўралади.

Тахририят манзили: институт биносининг ректорат жойлашган қисми, иккинчи қават, 208 ва 211-хоналар.

Мақолалар тақризлардан ўтказилган ҳолда тегишли кафедралар тақдими билан қабул қилинади.

ZIYO CHASHMASI

МУАССИС:

Абдулла Қодирий номидаги
Жиззах Давлат педагогика
институти

Бош муҳаррир: Абдукарим ШАРИПОВ

Редакцияга келган хатлар таҳлил этилмайди ва муаллифларга қайтарилмайди.

Муаллифлар фикри тахририят нўқтаи назаридан фарқлиниши мумкин.

Газета Жиззах вилоят Матбуот ва ахборот бошқармасида 2006 йил 26 декабрда 06-017 рақами билан рўйхатга олинган.

Босишга топширилган вақти — 19.00 Топширилди — 18.00 Навбатчи: М. Абдуллаев

Манзил: Ш.Рашидов шох кўчаси, Абдулла Қодирий номидаги Жиззах Давлат педагогика институти.

«Zamin Print» МЧЖ босмахонасида офсет усулида 5600 нусхада босилди. Манзил: Жиззах шаҳри, Сайилжойи кўчаси, 4-уй. Буюртма № 97. Shaki- A-3.